

SIK-p Isumaginninnermi aningaasaateqarfiata ileqqutat, utoqqalinersiallit, siusinaarluni pisartagallit, Aalisartut, piniartut, suliffissaaleqisullu, peqqissartut aningaasaateqarfissaannik pilersitsisoqarsinnaanersoq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasorta, Agathe Fontain, Inuit Ataqtigiit)

Akissuteqaat

(Isumaginninnermut Suliffeqarnermullu Naalakkersuisoq)

Naalakkersuisut apeqquteqaat aallaavigalugu oqallinnissamik siunnersuut Inatsisartunut ilaasortamiit, Agathe Fontain, Inuit Ataqtigiit, saqqummiunneqartoq qujassutigaa.

Ilagut nappaammik imaannaanngitsumik eqqorneqaraangata tamanna ernummatinik pilersitsisarpoq, tamatumunnga aamma ilanngullugit aningaasartuutissat angalaqataanermut, imaluunniit napparsimmavimmi uninngasumut tikeraarnermut atatillugu pilersartut eqqarsaatigalugit.

Peqataalluni angalaqataaneq Peqqinnissaqarfiup napparsimasumik angallassineranut atatillugu nakorsap naliliineranik tunngaveqartumik pisarpoq, aallaavittullu inummut ataatsimut angalaqataasussamut tunngasarluni, tamanna pisariaqartutut nalilerneqarsimappat. Taamaattoq tamanna sanioqqunneqarsinnaavoq pisumut namminermut atatillugu naliliisoqarsimappat arlaqartut angalaqataanissaat pisariaqartinneqartoq. Aalajangikkamik saneqqutsineq pisarpoq apeqqutaatinnagit aningaasatigut imaluunniit aqqissuussinermi atugassarititaasut, assersuutigalugu Nuummi najugaqarallarnissamut atatillugu, naliliinerlu taamaasilluni nakorsaniit isiginiaanermik taamaallaat tunngaveqartarluni.

Naak inunnt amerlanerusunut napparsimanermut atatillugu iluaqutaasaraluartoq ilaqtutanit ikinngutinillu najorneqartarnek, matumani pineqarneruvoq toqqissisimasutut misigisimanissaq, nakorsap pissutsinik aallaavilimmik naliliinerinngisaani. Napparsimmavimmut unitsinneqartarnermut atatillugu angalaqateqartarnermik aqqissuussineq taamaasilluni nakorsat ilisimasaannik tunngavilimmik nalilersuinertut tunngavilersorneqarsinnaanngilaq.

SIK-p Isumaginninnikkut Aningaasaateqarfia assersuutissaalluarpoq suliffeqarnermi illuatungeriit isumaqatigiissuteqartarnerannut, matumani SIK-mi ilaasortanut periarfissiisumik ikiorserneqarnissamut qinnuteqarsinnaanermut, tamatumani aamma ilaqtutat qanigisat napparsimmavimmut unitsinneqarnerannut atatillugu.

Naalakkersuisut tamakkiisumik tapersorsorpaat napparsimasunut aningaasaateqarfeqarnissamut isumassarsiaq, kisiannili aqqissuussineq taamaattoq suliffeqarnermi illuatungeriinnit suliassaassaaq.

Siunnersuummi eqqaaneqartunut inunnt, soorlu soraarnerussutisialinnut aamma suliffissaaleqisunut qanigisat napparsimarulunneranni, toquneranni aamma /imaluunniit ilisaanissaanut atasumik angalanissamut aningaasartuutitut atatillugu

tapiiffigineqarsinnaanermut periarfissaqareerpoq isumaginninnermut atatillugu malittarisassani. Soorlu aamma SIK-ip isumaginninnermut atatillugu aningaasaateqarfiani aaqqissuussinermi tapiiffigineqarnissamut qinnuteqartoqartartussaavoq, tapiissuteqartoqarsinnaallunilu imaluunniit itigartitsisoqarsinnaalluni pisumik namminermik naliliinermik tunngaveqartumik.

Utoqqalinersiallit angalanissaminnut tapiiffigineqarnissaminnik qinnuteqarsinnaapput, ilaqtutami qanigisami napparsimarulunnerani, toqunerani aamma / imaluunniit ilisaanissaanut atatillugu, utoqqalinersialinnut malittarisassat atuuttut naapertorlugit. Siusinaartunik soraarnerussutisiallit aamma inummut tapimik tunineqarnissaminnik qinnuteqarsinnaapput siusinaartumik pensionisialinnut malittarisassat naapertorlugit. Suliffissaaleqisut periarfissaqarput ilaqtutat qanitarisat napparsimarulunneranni pisortanit ikiorsiissuteqartarnermut malittarisassat iluanni angalanermut tapiiffigineqarnissamut qinnuteqarnissamut.

Innuttaasut tamarmik malittarisassat arlaat naapertorlugit tapiiffigineqarsinnaanngitsut periarfissaqarput pisortanit ikiorsiissutit pillugit malittarisassat naapertorlugit aningaasartuutitut ataasiakkaanut ikiorserneqarnissamik qinnuteqarsinnaanermik. Tamanna aamma inunnut namminersortutut inuussutissarsiuteqartunut, matumani aamma piniartunut, aalisartunut kiisalu uumasuutilinnut atuuppoq.

Suliasaqarfinni taakkunani suliassanik suliaqarneq amerlanertigut eqqorneqartunut kigaattutut allaffissornikkullu aporfissanik ulikkaartutut misiginarsinnaasarpoq, innuttaasut ataasiakkaat inissisimanerat pissutaalluni. Tamanna kommunalbestyrelsit nalunngilaat. Taamaattumik aamma pisortatigoortumik IT-mik aaqqiissummik atortuulersitsinissamik suliniummik aallartitsisoqarpoq, allaffissornikkut aporfiit amerlasuut peerunnerannik kinguneqartussamik.

Kommunini sulianik allaffissornikkut ingerlatsisuusut aningaasartuutitut ataasiakkaanut tapiissuteqartarnermut atatillugu suliasaqartarput, kisiannili imatut annertutiginngitsunik kommunit allaffissorneranni malunnaatilinnik sipaarutissarsiviusinnaasunik.

Taamaattumillu Naalakkersuisut isumaqarput maanna periarfissaqareersoq innuttaasut isumaginninnermut malittarisassat atuuttut iluanni tapiiffigineqarsinnaanermut qinnuteqarsinnaanernnut, malittarisassat pensionisialinnut aamma suliffissaaleqisunut atuuttut namminersortutullu inuussutissarsiuteqartunut atuuttut iluanni.

Ilutigisaanillu Naalakkersuisut Pisortanit ikiorsiissutit pillugit Inatsisartut inatsisissaannut siunnersuummik UPA2022/24 aammalu Suliffissarsiorturnut ikiorsiissutit pillugit Inatsisartut inatsisissaattut siunnersuummik UPA2022/23 aqutigalugit saqqummiussaqaqarput, annertunerulersitsisunik napparsimarulunnermut atatillugu pisortanit ikiorserneqarsinnaanermut periarfissanik. Siunnersuutit taakkua marluk periarfissaqartitsissapput napparsimanermut atatillugu minnerpaamik ukioq ataaseq ikiorneqarsinnaalernissamut.

IT-mik aaqqiissut pitsaannerusoq atorneqarlertussaavoq inatsisissatut siunnersuutit taakku marluk atortuulersinneqarnerannut ilaatillugu. Taamaasilluni suliassanik suliaqarneq pisortanit ikiorsiissutit pillugit qinnuteqaatinut atatillugu naatsorsuutaasutut pisariinnerulissaaq eqaannerulerlunilu. Ungasinnerusoq eqqarsaatigalugu IT-mik aaqqiissutitut isumaginninnermi suliasaqarfiit tamarmik ilanngunneqarumarput, kommunimilu suliassanik suliaqarnermik pitsanngorsaanermut tamanna kommunit suliniutaannut ilaalluni.

Naggataatigut Naalakkersuisut erseqqissarusuppaat nersualarlugulu SIK-p ilaasortaminut isumaginninnikkut akisussaassusermik suliniummillu annertuumik takutitsineranut kattuffiillu allat assigsummik suliniuteqarnissaannik kaammattorlugit.

Taamatut oqaaseqarluta
oqaluuserisassanngortippaat.

Naalakkersuisut

siunnersuut

Inatsisartunut